



59530

Mag. St. Dr.

kat.komp.

*Prædicator Ord. Conv. S. Trinitatis Veritas scientiæ  
i. e. Assertiones theologicas.*



VERITAS

SCIENTIFICA,

à Præceptore Angelico

D. THOMA AQUINATE

QVINTO ECCLESIAE DOCTORE,



Stylo Rosariano

EXARATA.

Immaculatissimæ Matri

VIRGINI

MARIÆ,

SACRATISSIMI ROSARII

ADVOCATÆ,

Veritatis Propugnatrici,

In Generali Studio Cracouiēsi, Con-

uentūs Sanctissimæ TRINITATIS,

humili de corde, debiti Obsequij ergò

CONSECRATA.

*Anno Domini 1681.*

GRACOVIAE, Typis Vniuersitatis.

Ego diligentes me diligo.



59530  
Qui vigilauerint ad me inuenient me.

AVGVSTISSIMÆ  
 CÆLITERRARVMQVE  
 REGINÆ,  
 DEIPARÆ VIRGINI  
 MARIÆ,  
 VNODEO MINORI,  
 SS̄mi ROSARII ADVOCATÆ,  
 Sapientiæ Sedi, Scientiarum Fonti,  
 VERITATIS MAGISTRÆ  
 HYPERDVLIÆ, HONOREM.



*Eridiano in sole, Ægyptiacis me circumdari tenebris credi-  
 dissem, si ad TE VERITATIS MAGISTRAM, Ô  
 VIRGO PRVDENTISSIMA cum Veritate Scientifica,  
 non recurrissem illuminandus. Indignissimus sum qui me  
 ante TVÆ MAIESTATIS præsentiam audeam sistere;  
 sed TV Ô SANCTISSIMA DOMINA dignissima es,*

*qua defectibilem Veritatem meam valeas censurare. Vera es Ô MARIA;  
 ILLVMINATA, qua ab arcanis fidei penetrandis. MATER CREDEN- Aug.  
 TIVM, à futurorum vaticinio ARCHIPROPHETISSA PROPHE-  
 TVM, à rerum naturalium cognitione, PLENITVDO SCIENTIARVM  
 meritò appellaris. TV Ô MATER VERITATIS, Veritas es manifestativa Hilar.  
 & declarativa esse Hominis DEI, dum ex intellectu Æterni Patris Virgineo  
 VERITATEM PROPAGATAM, intra Virgineam Pudicitia Aulam su-  
 scipiens, Divinâ & Humanâ Natura in unam cœuntibus Personam, Verum  
 DEVM & verum HOMINEM genuisti. TV Ô VERITATIS assertrix Aug.  
 MARIA, Veritas es, summam PRINCIPII participans similitudinem,  
 cum in TE Diuinorum Attributorum clariùs cognoscantur, & meliùs per-  
 cipiantur Inuisibilia DEI. TV Ô VERITATIS EXEMPLAR MARIA,*

Ansel. Veritas es, vitam nostram rectificans, Virtutes mensurans, Diuina Legi nos  
 aptans, ac omnis perfectionis in se Rectitudinem demonstrans. Unde Quo-  
 Zerda. ties verum pronuntio, toties TE VIRGINEM commemoro. In TVO  
 Ô ROSA HIERYCHONTINA ROSARIO, Veritas vitæ, perfectissimam  
 voluntatis Diuina regulam adimplens. Ex TVO ROSARIO Veritas  
 Iustitiæ, Pacis fœdera inter DEVM & Homines restituens. Per TV-  
 VM ROSARIUM Veritas Doctrinæ, cuius profunditatem Apostolis reue-  
 Ansel. lasti, quam in se non solum simplici Scientiâ, sed ipso effectu, ipsosq; experimen-  
 to didiceras. Igitur Ô GENITRIX VERITATIS MARIA, cum nul-  
 La. lus suauior animo Veritatis cognitione, cibus reperitur, suscipe TVAM à  
 me etsi vilissimo Veritatem; quam enim TVVS Præco inconcussus THO-  
 MAS Aquinas, à TUA Angelica haustam salutatione, mihi iurato suo di-  
 scipulo tradidit veritatem, hanc in TE Ô SEDES SAPIENTIÆ MARIA  
 refundendam (quantacunq; sit) pernecessarium iudicavi, ut quæ Exordium  
 Studiorum meorum extitisti, eadem sis & Epilogus, TVARVM Veritatum  
 D. Th. luce, duplices in quibus natus sum, tenebras peccatum s. & ignorantiam à me  
 repellens, cor docile pro Mandatorum FILII TVI executione impetrans, &  
 intellectum ad aeternorum contemplationem tribuens. Non ego Ô PIEN-  
 Iustin. TISSIMA VIRGO postulo cum EVLBERTO, cui vbera sugenda prabeas, non cum  
 DOMINICO, quem mirificis aquis perfundas, non cum ILDEFONSO cui  
 Sacram Vestem tribuas, non cum HYACINTHO, quem dulci alloquio di-  
 gneris, non cum HERMANNO, quem TIBI despondeas, (quamuis hæc  
 sint beneficia maxima, quorum ego Ô Sanctissima Domina, indignissimum  
 me reputo, quia homo peccator sum.) Porro unum est necessarium Ô CLE-  
 MENTISSIMA MARIA. ut in omnibus meis actionibus, in Studio &  
 Predicationibus, in Virtutum profectu & defectibus, in solatiis & tribula-  
 tionibus, in famâ & opprobriis, in valetudine & infirmitatibus, in Vita,  
 Psal. & in Morte, dum ante FILII TVI (non solum mendaces filios hominum,  
 in stateris, sed etiam ipsas Iustitias se iudicaturum promittentis,) astabo, Fal-  
 laciæ peccati rationem redditurus, TVAM VIRGINEAM, MATER-  
 NAM, ROSARIANAM, PIEN- TISSIMAM, EFFICACISSIMAMq;  
 exhibeas PROTECTIONEM.

Ad Sanctissimorum Tuorum pedum  
 oscula supplico humiliter,

Vilissima Filii Tui Creatura

F. D. F. O. P.

# VERITATES SCIENTIÆ RATIONALIS.

I.

**R**ationalem Scientiam mensurari Ente Rationis tanquam Obiecto formali, deducitur. Tum ex proprio munere ipsius Logicæ, Quæ cum sit argumentatiua, importat Vnionem maioris, s. & minoris extremi cum medio, quæ est Ens Rationis. Tum ex Directione actuum Rationis, intrinsecè ac Entitatiuè inhirente ipsismet Obiectiuis conceptibus. Tum ex Medio seu modo sciendi, ratione cuius Logica extendit se ad omne Ens scibile, sub propria ratione communi, vt distincta à ratione communi, quæ est propria Metaphysices. II.

**S**cientiæ Nomen & Rationem conuenire Logicæ edocet: Tum commune illud Axioma: De omni Sciendo & Scibili datur Scientia. Tum Habitus qui per se discurrens de Vniuersalibus, simpliciter debet esse scientificus. Tum Demonstratio per quam ipsamet acquiritur Logica.

III.

**S**peculatiuam esse Logicam conuincitur. Tum quia est Obiectiuè de modis sciendi, per se ordinatis ad illuminationem intellectus. Tum quia eius principale & præcipuum opus, est Constructio Syllogismi intra limites Intellectus Speculatiui contentum. Tum quia Logica cum sit per se de secundis Intentionibus adiunctis primis, in primis intentionibus, ( prout à secundis sunt denominabiles aut denominandæ ) solam habet materiam speculabilem.

IV.

**I**nter Logicam Docentem & Vrentem fouet Vnitatem Habitus: Partim ipsamet Logica, qui vtens Logica, vtitur Docente, ad dirigendum scientificè. Partim vsus directiuus, Vrenti ac Docente conueniens, ex proposito Obiecto intellectui vt ordinato. Partim ipsamet Logica Docens, quæ non tantum est Doctrinam tradens sed & vsum docens, eadem stante facilitate, quæ æqualis est, tam in Materia indeterminata, quam in Materia determinata.

V.

**A**d alias scientias acquirendas ita simpliciter necessariam Logicam affirmamus, vt nullus sine illa haberi possit assensus, verè & substantialiter scientificus. Primo. Quia assensus verè scientificus debet cognosci talis vt talis est, id est vt cognoscatur quod illud per quod est, facit scire. Secundo. Quia assensui scientifico, cum non debeat subesse falsum etiam apparens, non ostendente Logica Veritas sermonum, Syllogismus ordinariè eluderet assentientem. Tertio. Quia assentiens scientificè, debet conuinci ad assentiendum, ex assensu Præmissarum, in tantum conuincente, in quantum est in Propositionibus Per se, quod docet Logica. VI.

**A**solo intellectu formari posse Ens Rationis, in Schola Doctoris Angelici certum est. Tum quia solus actus intellectus attingere potest non Ens, vt distinctum contra Ens Reale, ad cuius instar attingitur. Tum quia solus actus intellectus potest comparare Non Ens ad Ens, vel Ens ad Non Ens. Tum quia solus actus intellectus attingere potest Ens Rationis, vt est Ens Rationis, ob solam repræsentationem eius, vt est aliud quid à Nihilo & ab Ente reali.

VII.

**D**antur Vniuersalia in rebus siue Naturæ quæ denominantur vniuersales. Tum quia dantur voces vniuersales, ex suo significato vniuersalitem trahentes, iuxta illud Propter quod, vnumquodq; tale & illud magis. Tum quia genus cum sit essentialiter in sua Specie, Animal v. g. non secundum vocem, erit in homine identificatum, sed secundum Rem. Tum quia ex hoc quod homo naturaliter scire desiderat: non in vocibus, sed in naturis cognitionem suam occupat, vt scibilibus, ab hic & nunc abstrahentibus, in connexionem Prædicatorum & passionum. VIII.

**V**nitatis quæ dicitur Natura formaliter Vniuersalis, ei non competit à parte rei, siue antecedenter ad Operationem præcisiuam intellectus. Tum quia datur aliqua Natura, v. g. Hostiæ consecrandæ quæ non habet talem Vniuersalitem, quia alias manente hostia immultiplicatâ, hoc ipso quod transubstantiaretur natura hostiæ, in hostia B. deberet transubstantiari & in hostia C. Tum quia hæc Propositio simpliciter prolata, Petrus est Paulus, esset vera, hoc ipso quod Natura esset vna à parte rei vnitatis communi; & solum falsa in sensu modali, cum Petrus & Paulus non differant nisi in modo, seu hæcitate. Tum quia si v. g. esset homo vnus vnitatis vniuersali in indiuiduis à parte rei, & idem ac indiuiduus, ex hoc quod, Vno saluato Indiuiduo Naturæ humanæ verifictur: *Saluatur homo*: oppositum inconueniens euidentissimè deduceretur.

IX.

**P**er actum intellectus qui dicitur puræ Præcisionis, non fit Natura formaliter Vniuersalis. Tum quia Natura in statu puræ Præcisionis sub nulla determinata Specie Vniuersali.

B

uerſalis reponi poteſt immediatè, nec ſub determinato genere: cum nihil ſit ſub certo genere quod non ſit ſub determinata Specie. Tum quia Natura in eo ſtatu non eſt reſpectiua, quòd contradicit ſtatu Vniuerſalitatìs. Tum quia, in eo ſtatu carens aptitudine Natura, non eſt vnum in multis. Ex quo ſequitur Vniuerſale formaliter fieri per actum comparatiuum, ob rationes oppoſitas ſtatu Præciſionis.

X.

**C**ompoſitio ex Genere & Differentia non eſt Compoſitio realiter formalis, ſiue ex Natura rei ſed rationis tantum. Tum quia Genus & Differentia ſunt eadem formaliter vni tertio ſ. Speciei. Tum quia v. g. in Ente ſimplici, in quo non adeſt Compoſitio ex Natura rei, adhuc diſtingui poteſt Ratio Entis vel Entis ſimplicis & Ratio talis Entis ſiue Entis taliter ſimplicis. Tum quia Pars componens non eſſet ſimplicior Compoſito: cum genus per hoc quòd ſit Genus, conueniat & per hoc quòd ſit tale Genus, differat.

X I.

**P**oteſt Natura ſpecifica Angeli, fieri Vniuerſalis, ſeu Intentionem habere Speciei Prædicabilis, quamuis in ea plura repugnent indiuidua. Tum quia Natura Angelica v. g. Gabrielis, poteſt in eo ſtatu poni, in quo ad plura comparari poteſt per prædicationem ſub conditione concepta; quòd incompatible eſt cum Natura Angelica vt ſingulari. Tum quia Natura Angelica cum poſſit abſtrahi à ſuo Indiuiduo, poteſt habere prædicatum latius patens & alijs à ſubiecto conueniens facta ſuppoſitione ſi eſſent. Tum quia Vniuerſalitas cum non competat Naturæ ſecundum ſe, ſed ſecundum certum Naturæ ſtatum, idè Angelicæ Naturæ id repugnat ratione indiuiduationis tantum, ſed conuenit ratione abſtractionis.

X II.

**S**ecunda Intentione Differentiæ, non eſt vniuocè communis Differentiæ Propriiſſimæ Propriæ & Comuni, ſed Analogicè. Tum quia Natura, ſeu forma ſub ratione Facientis Differre, participatur ſimpliciter à Differentia Propriiſſima, ab alijs autem ſecundum quid; nam pariter de Relationibus ac ipſarum fundamentis eſt diſcurrendum. Tum quia v. g. Differentia Comuniſ cum vniuocè participet rationem quinti Prædicabilis, ſi vniuocè participaret Intentionem tertij Prædicabilis, vtriuſq; Prædicabilis in ſui Definitione deberet exprimere fundamentum. Tum quia, ex hoc Axiomate. Idem eſt quòd conſtituit & quòd facit differre: inferitur Inæqualitas inter prædictas tres Differentias, cum Intentione Conſtituentis reductiuè ſolum & in obliquo participetur à Differentia Comuniſ, cum hæc vt potè Accidens & Entis Ens ſit additamentum Conſtituti, iam verò à Differentia Propriiſſima, Intentione Conſtituentis Directè, in recto & per ſe participatur.

X II.

**P**ropoſitiones Contradictoriæ de futuro Contingenti non ſunt determinatè veræ vel falſæ. Tum quia nondum extante Cauſa veritatis, ſ. Cauſa futuritionis rerum, prout determinata ad dandum eſſe, eſſent determinatè veræ vel falſæ, iam eſſent tales pro omni rationis ſigno, ſicut pro omni ſigno Rationis eſſent Propoſitiones contradictoriæ. Tum quia In Propoſitionibus Contradictorijs ſaluatur vis Contradictionis vt diſtinctis à Contrarijs, abſq; eo quòd ſint determinatè veræ vel falſæ, ſed indeterminatè ſolum & ſub diſiunctione, in quo tam Contrariæ quàm Contradictoriæ pariſcantur. Tum quia pro ſtatu Poſſibilitatis daretur aliquod futurum, cum non repugnet enunciari futuritionem de aliquo pro ſtatu Poſſibilitatis rerum, ſicut nec repugnat enuntiare exiſtentiam pro ſtatu futuritionis.

X IV.

**E**x aſſenſu Præmiſſarum neceſſitatur intellectus, quoad exercitium circa aſſenſum Concluſionis. Tum quia Actu illuminatur intellectus circa Concluſionem aſſentiendo Præmiſſis, illuminatione illatiua, quæ habetur ex aſſenſu Minoris prout determinantis Maiorè. Tum quia Præmiſſæ Demonſtrationis, concurrunt non tantum ad actu cognoscendam veritatem Conſequentis, ſed etiam ad bonitatem Conſequentiæ vt actu cognoscatur ab aſſerente, ex certa Præmiſſarum diſpoſitione. Tum quia Voluntas non poteſt intellectum retrahere, per aſſenſum Præmiſſarum vltimò applicatum, vt potè Inſtantaneam & naturalè cauſam, quæ pro inſtanti indiuiſibili ponit actum pro quo eſt applicata.

X V.

**A**ctualis Scientia ſtare non poteſt cum actuali Opinione in eodem intellectu circa idem, etiam ratione diuerſi mediij. Tum quia non poteſt intellectus eſſe abſolutè certus de re, ex medio ſcientifico, & ſimul abſolutè incertus ex medio Opinatiuo. Tum quia illatio veritatis à diuerſo medio non eſt eadem, ſed alia & alia: vnde reſpectu intellectus non eſt idem, vbi eſt alia & alia conſiderata veritas. Tum quia diuerſitas mediij Oppoſitionem Scientiæ & Opinioniſ non tollit, in eodem intellectu, ſicut Diuerſitas Cauſæ ſufficiens non eſt ad tollendam oppoſitionem effectuum in eodem ſubiecto.



# VERITATES PHILOSOPHIÆ NATVRALIS.

I.

**M**ateria prima, est pura potentia Physica, nullam de se importans propriam & partialem Existenriam. Tum quia Materia Prima est Substantia essentialiter incompleta. Tum quia talis Existencia, esset ex suo conceptu potentialis physice, & magis potentialior ipsa Existencia vt sic. Tum quia Materia Prima priuata omni formâ naturaliter non potest permanere in esse; quod tamen haberet naturaliter, à sibi coeua & intrinseca Existencia.

II.

**F**orma Substantialis Corruptibilis rerum genitarum educitur ex Materia. Tum quia Forma substantialis cum educatur per generationem, præsупponit Materiam. Tum quia propter esse materiale, continetur in potentia materiæ. Tum quia forma substantialis dependet à Materia.

III.

**T**orum Physicum non distinguitur à Materia & Forma vnitim sumptis, tanquam aliqua tertia realitas & Entitas ex illis simul sumptis resultans. Tum quia impossibile est quod Torum Physicum faciat numerum cum Materia & forma vnitim sumptis, cum non vniat nec vnietur, sed sibi eas identificet & identificetur. Tum quia non potest Vnio Totius Physici, cum Materia & forma vnitim sumptis ordinari ad totum Physicum constituendum. Tum quia Torum Physicum non potest vniri Materiæ & formæ vnitim sumptis, vt eas perficiens nec secundum esse Substantiale nec Accidentale.

IV.

**C**ausa Efficiens non est, nec esse potest Operatiua per suam formam substantialem, sed solum mediante forma Accidentali tanquam potentia & virtute. Tum quia Forma substantialis non est in eodem genere cum Operatione. Tum quia in creatis non potest esse idem, immediatum principium essendi & operandi, ex diuersitate specificationis. Tum quia Causa Efficiens, esset semper actu operans, cum forma substantialis nequeat per seipsam esse in potentia, ad operationem.

V.

**C**ausa Finalis, rationem formalem, sub qua finalizat, habet ipsam realem bonitatem, & replicatiuè, vt realem, non autem ipsam apprehensionem bonitatis. Tum quia Bonitas finis sumpta specificatiuè à varijs attingitur potentijs, at sumpta reduplicatiuè determinatur ad voluntatem. Tum quia ratio formalis *sub qua*, non potest esse ipsa apprehensio bonitatis, cum conueniat alijs à fine. Tum quia variata in fine specificè, ratione apprehensi, v. g. DEI cogniti, vel obscure per Fidem, vel clarè per Lumen gloriæ, manet idem essentialiter Actus Charitatis, qui est ad DEVM, tanquam ad finem; iam verò variata ratione formali *sub qua*, non potest non variari essentialiter actus, qui est ad illud.

VI.

**N**on potest motus esse identificatus, cum termino *ad Quem*, sed debet ab eo realiter modaliter distingui. Tum quia multiplicato motu non multiplicatur terminus *ad Quem*, sicut multiplicato Passiuo fieri, res quæ sit manet vna; iam autem non potest esse inter ea identitas, quorum vnum multiplicatur, manente altero immultiplicato. Tum quia, id quod fit, non potest sibi identificare id *Quo fit*, sicut id *Quod facit*, & id *Quo facit* in creatis non identificantur, ne actus primus cum actu secundo identificentur. Tum quia stante identitate Motus cum termino, duo inter se distincti motus identificarentur cum eodem termino, v. g. Motus Generationis & Reproductionis cum vno entitatiuè homine.

VII.

**C**ontinuum non componitur, nec componi potest, ex solis indiuisibilibus. Tum quia Indiuisibile additum indiuisibili, non facit maius. Tum quia componitur ex illis quorum extrema sunt vnum: iam verò indiuisibilia carent extremis. Tum quia indiuisibilia se rangunt penetratiuè: quod repugnat componentibus continuum, vt potè maiorem locum occupantibus, vt tangentibus se & simul sumptis.

VIII.

**I**mplicat dari in rerum Natura infinitum in actu, siue in magnitudine, siue in multitudine, siue in Intensione. Tum quia Infinita magnitudinis Corpus, à Quantitate habens principium intrinsecum localis motus, ab eadem simul haberet impedimentum ad localem motum, tam Rectum, cum partem loci deserere, & aliam de nouo acquirere non

B 2

posset

posset, tam Obliquum, cum vna pars non possit transire ad locum alterius ob infinitam distantiam inter quamlibet partem determinatam. Tum quia si infinitum secundum multitudinem, esset protractum ad instar lineæ in infinitum, secundum longitudinem, tunc si conuoluatur in cumulum, repletet omne spatium possibile; & tunc Axioma, Non potest pars, æqualis esse suo toto, falsificaretur. Tum quia admisa Intensione infinita, daretur Virtus substantiæ creatæ infinitè actiua, nam intensa Qualitas est virtus substantiæ creatæ.

I X.

Possibile non est etiam de Potentia DEI absoluta, quod idem Quantum sit Circumscriptiue in varijs locis. Tum quia, idem Quantum esset sibi ipsi contiguum, vbi loca contigua essent. Tum quia vna Quantitas, non potest à se emanare, nisi vnam extensionem localem, quia alterius etiam supernaturaliter non est capax, cum naturaliter non sit alterius capax. Tum quia impossibile est in eodem Quanto multiplicari extensiones locales, ratione replicationis eiusdem Quanti.

X.

Mundus potuit produci ab æterno, quantum ad Entia permanentia. Tum quia hoc non repugnat nec ex parte DEI creatantis, qui suum effectum præcederet non duratione sed naturâ. Tum quia Creaturæ non repugnat Æternitas per participationem. Tum quia Diuinæ Voluntatis determinatio libera, non fit in tempore sed est æterna.

XI.

IN Generatione & Corruptione compositi, fit resolutio vsq; ad Materiam Primam. Tum quia subiectum accidentium est sola substantia completa, vt potè directè ponibilis in prædicamento: quod non competit Materiæ Primæ. Tum quia si esset subiectum v.g. Quantitatis, forma substantialis adueniens Materiæ iam quantæ, non tribueret esse simpliciter & absolutè substans alijs omnibus. Tum quia, si saltem Quantitas remaneret; ex hoc, quod subiectum Quantitatis habet ex vi illius posse recipere, vbi diuisibile & occupare locum diuisibiliter, concluditur, tale subiectum esse solum Compositum, & non Materiam Primam.

XII.

Intensio Qualitatis non fit per additionem partialis Qualitatis, sed solum per maiorem eiusdem Qualitatis radicationem. Tum quia tales partes superadditæ nec essent Essentiales cum sine qualibet illarum saluetur Essentia Qualitatis, nec Integrales, quia partes Qualitatem intendentes reddunt, ipsam perfectiorem in ratione formæ, quod non præstant partes integrales. Tum quia subiectum potest magis ac magis eidem Actioni subijci agentis, & per hoc magis reduci ad actualitatem eiusdem entitatiue Qualitatis, magisq; fieri vnum cum illa, sine additione partiali. Tum quia dum tota Qualitas supponitur communicata, & non totaliter, seu secundum omnem sui virtualitatem, tunc haud dubie intenditur sine additione per solam radicationem maiorem.

XIII.

Rarefactio & Condensatio fiunt per hoc, quod per se terminentur ad Qualitatem quandam ex quo ortum habeat maior illa vel minor extensio. Tum quia non fiunt per terminationem ad partialem Quantitatem, alias tunc Rarum non parum sed multum haberet materiæ, cum crescentibus dimensionibus cresceret materia. Tum quia non terminantur per se primo ad extensionem localem s. maiorem in raro, minorem in denso, cum tam raritas quam densitas sint per se primo pertinentes ad partes corporis in ordine ad se, possunt stare sine omni extensione, vt patet in corpore CHRISTI DOMINI in Eucharistia. Tum quia Motus Rarefactionis, Condensationis, sunt motus per se disponentes ad generationem, idem sunt essentialiter cum alteratione, quæ per se primo terminatur ad Qualitatem.

XIV.

Formæ Substantiales Elementorum non manent formaliter in Mixto. Tum quia Mixtum est vnicum Compositum substantiale cui vnica debetur forma substantialis. Tum quia Mixtum esset Ens per accidens constans pluribus entibus completis. Tum quia forma Mixti & forma Elementi eandem occuparent materiam; quod est impossibile.

XV.

Reproductio respectu eiusdem Numero, compositi corrupti non datur naturaliter completa reuolutione firmamenti. Tum quia nunquam eadem Numero Syderum combinationes sunt reditura, quæ antè mundus vt nunc est, perseverasset in æternum. Tum quia illæ influentiæ non essent eadem Numero completa reuolutione firmamenti, sed solum eadem specie. Tum quia illi aspectus non reperirent sublunaria in eodem statu & dispositione ac præcedentes, ideo nec similes effectus producerent.

## VERITATES ENTIS VITALITER MOBILIS.

### I.

**A**nima Rationalis est actus primus corporis physici organici potentia vitam habentis rationalē. Tum quia Anima Rationalis, est vera forma substantialis & principium radicale essendi & operandi. Tum quia homo est verum compositum physicum, cui alia non potest assignari forma, nisi anima Rationalis. Tum quia anima Rationalis, cum sit media inter formas spirituales & materiales, ut conuenit cum formis pure spiritualibus est subsistens ut *Quod*; & ut conuenit cum formis materialibus est subsistens ut *Quo*, dum subsistentiam suam corpori communicat. II.

**A**nima vna est in homine, & in omni viuente, vna forma substantialis. Tum quia vnica manens præstat gradum viuendi & sentiendi, ut potest superior, continens per æquiualentiam inferiores. Tum quia Omnis forma substantialis secunda, non respiceret Materiam Primam ut suum immediatè susceptiuum, sed respiceret formam primò informantem Materiam. Tum quia præter formam substantialem, admissa in Materia forma Corporeitatis, per quam Materia constitueretur in linea substantiæ corporeæ, forma substantialis accidentaliter adueniret Materiæ; ipsaq; Corporeitas quamuis esset in potentia ad alias formas nobiliores, tamen esset quid completum, nam etiam subiectum est in potentia ad Accidentia, & tamen est quid completum. III.

**A**nima hominum & animalium perfectorum sunt formaliter indiuisibiles. Tum quia anima sicut non est Quanta ratione sui sed ratione subiecti Quanti, ita nec est diuisibilis ratione sui sed ratione subiecti; subiectum autem animalium perfectorum quod est Corpus Organizarum, est formaliter indiuisibile. Tum quia Oportet animam proportionari suo subiecto formaliter Indiuisibili, sicut & omnem actum suo receptiuo. Tum quia pars separata ab animali perfecto non exercet Operationes vitæ; & dum reuinita uiuit, tunc à Priuatione non totali, sed partiali datur regressus ad habitum.

### IV.

**P**otentia cuiuslibet animæ specificantur ab actibus immediatè, & ab obiectis formaliter sumptis mediatè. Tum quia potentia animæ ordinantur ad actus & obiecta essentialiter: quæcumq; autem essentialiter ad aliquid ordinantur, talem debent sortiri speciem essendi, qualem exigit illud ad quod ordinantur. Tum quia res ab eo habet vnitatem & distinctionem à quo habet entitatem, quam ut specificam potentia cum sint de linea relatiuorum, desumunt ab actu & obiecto. Tum quia Actus ut intentus, habet rationem finis non vltimi, & Obiectum vltimi, per modum specificariui extrinseci; Intrinsicum autem specificatiuum potentialium est habitudo & coaptatio, seu ipsamet Entitas potentia tali modo disposita qualem exigit actus & obiectum.

### V.

**P**otentia Nutritiua terminus est Substantia materialis, sine Quantitate nullas habens partes actu integrantes. Tum quia partes integrantes sunt effectus formalis Quantitatis, qui est ipsa forma ut communicata. Tum quia illæ partes distinctæ in Substantia si darentur, nec possunt haberi à forma, quia hæc tantum est principium distinctionis Specificæ; nec à materia, quia hæc cum sit pura potentia non potest esse principium actu distinctiuum in partes. Tum quia Substantia de se habet partes tantum radicales, in quantum est radix Quantitatis; vnde Substantia ex seipsa est distinguibilis in partes radicales, exercitium tamen illius distinctionis competit Substantiæ, sub statu Quantitatiuo.

### VI.

**O**mnes Potentia & sensus, siue interni, siue externi, indigent Speciebus. Tum quia per solam præsentiam extrinsecam Obiecti nec possunt facundari, nec determinari, & alias organum illorum opprimeretur à quantitate Obiecti. Tum quia Obiectum concurrat actiue vna cum potentia ad notitiam, non per Entitatem extra existentem, sed per speciem Intentionalem in potentia receptam. Tum quia species intentionalis quamuis in esse Entitatiuo & ut accidens est, pro se informet potentiam: attamen ut intentionaliter transformat potentiam in Obiectum, stat pro alio s. pro Obiecto mediantem ipsa potentia vnito.

### VII.

**A**nima Rationalis nobiliores potentia sunt, intellectus Agens & Possibilis, realiter inter se distincti. Tum quia inter agens & passum debet esse realis distinctio, alias idem secundum idem, esset in actu & potentia. Tum quia Agens producit Species, Possibilis productas supponendo intelligit; intelligere autem & producere, sunt actus diuersi. Tum quia Obiectum intellectus Agentis sunt res materiales in potentia intelligibiles, ut eas actu intelligibiles reddat: iam verò Obiectum intellectus Possibilis sunt res ut actu intelligibiles.

### C

### VIII.

## VIII.

**I**n intellectu & Verbum distinguuntur realiter. Tum quia Actio realiter distinguitur à termino per eam producto, & realiter procedente tanquam quid ad intra, & ab ea dependente: vnde intellectio est id Quo seu actualis manifestatio Obiecti Actiua, & Verbum est id Quod seu actualis manifestatio Obiecti Passiua. Tum quia Intellectio est fieri verbi. Tum quia Intellectio non est similitudo formalis expressa Obiecti.

## IX.

**I**n omni intellectione creata naturali formatur verbum. Tum quia intima vnio Obiecti in esse intelligibili, & presentia intelligibilis Obiecti habetur solum beneficio intellectus formantis verbum. Tum quia Obiectum Spirituale v. g. Substantia Angeli seipsum cognoscentis, absq; verbo solum est presentis secundum esse naturale, quod non est abstractum ab Existencia. Tum quia Obiectum vt in actu secundo sit presentis intentionaliter, debet esse vltima actualitas: quod sine verbo soli competit Essentia Diuinæ.

## X.

**D**ictio & Intellectio non sunt duæ actiones realiter distinctæ. Tum quia solum inter se distinguuntur, quatenus Dictio immediatè respicit Verbum, à notitia intellectus originatum, Intellectio verò respicit rem intellectam. Tum quia sicut intellectus intelligendo format Verbum quod procedit ab intelligente, secundum suum intelligere, ita intellectus dicendo format Verbum quod procedit à dicente secundum suum dicere. Tum quia Dictio est actio intellectus possibilis essentialiter ordinati ad intellectionem: vnde intellectus dicendo cognoscit Verbum & in illo contempletur obiectum.

## XI.

**V**oluntas habet formaliter libertatem. Tum quia voluntatis precipuus actus, s. Electio subieciatur in ipsa, cum sit immanens. Tum quia actus qui solum ab intellectu elicitur, necessitatur ab obiecto ex principijs naturalibus; Electio autem voluntatis non necessitatur sic, cum possit vnum assumere & aliud obiectum relinquere. Tum quia Electio est actus dominij quod formaliter reperitur in voluntate.

## XII.

**P**roxima & immediata radix Libertatis in voluntate est indifferentia iudicij à ratione proveniens. Tum quia stante indifferentia iudicij voluntas non potest impediri necessario nisi tam Operatio quam potentia ad oppositum impediretur. Tum quia indifferentes proponitur Obiectum voluntati, voluntas ab illo indifferenter moueri debet, sicut respectu Obiecti determinatè propositi, moueretur determinatè. Tum quia dictamen iudicij est cum aduertentia voluntatis, ita vt ex vi propositionis possit operari vel omittere operationem: ablata autem tali aduertentia propositio Obiecti est naturalis & indeliberata, vt patet in actibus nostris primò primis. XII.

**V**oluntas ceteras potentias mouet imprimendo illis aliquid reale. Tum quia voluntatis operatio immanens, est virtualiter transiens, & ideo potest habere effectum Extra se, ad quem potentia inferior non est permanentè ordinata, ratione motionis illius, nisi quamdiu potentia superior voluerit. Tum quia voluntas dum applicat potentias inferiores ad operandum secundum propriam virtutem per motionem realem, tunc diuerso modo sunt actiones à potentia inferiori quando subordinantur in sua applicatione voluntati (quam dum non subordinantur) tunc enim subordinantur fini Potentia superioris, & ab illius procedunt imperio. Tum quia ille actus sit voluntarius, & virtute voluntatis imperantis potest dimitti aut retardari; quod alij actus voluntati non subordinati non habent.

## XIV.

**V**oluntas tantum à Deo clarè viso necessitari potest, tam quoad specificationem, quam quoad exercitium. Tum quia voluntas videntis Deum clarè per Essentiam, videt omne bonum, simul enim inhæret fini & his quæ sunt ad finem. Tum quia viso summo Bono euidenter non potest proponi cessatio ipsum amandi, nisi proponatur cessatio volendi beatitudinem. Tum quia Omnis potentia à suo Obiecto adequato necessitatur, quoad specificationem, & ex suppositione applicari, quoad exercitium.

## XV.

**V**oluntas non est nobilior intellectu. Tum quia Obiectum intellectus cum sit Vniuersalius, s. verum, dicitur de quolibet ente etiam possibili & Mathematico, Bonum autem dicitur tantum de Ente ad Existenciam contracto. Tum quia Intellectus mouet voluntatem quoad specificationem, voluntas autem mouet intellectum quoad exercitium. Tum quia voluntas consequitur intellectum sicut secundaria proprietas, intellectus autem dimanat immediatè ab Essentia animæ, cuius perfectionem magis participat.

VERI-

# VERITATES SCIENTIÆ TRANSNATVRALIS.

## I.

**E**ns Reale Analogum est vtrâq; Analogiâ, ad DEVM & Creaturas, ad Substantiam & Accidens. Tum quia ex parte Analogiæ Proportionalitatis, Ens Reale est omnino transcendens sua inferiora, cum quibus non facit numerum. Tum quia ex parte Attributionis, datur partim Dependētia Creaturarum à DEO, Accidentis à Substantia: partim Inæqualis participatio, nam DEO essentialiter, Creaturæ verò per participationem conuenit Entis realis ratio. II.

**V**nitatem Indiuiduationi Specificæ, admixtam Substantia Immaterialis completa radicaliter & inadæquatè accipit à propria Essentia, per ordinem ad Subsistentiam. Tum quia Essentia Angelica, vr dicens ordinem Transcendentalem ad Subsistentiam, constituit radicaliter Angelum indiuisum in se, & diuisum à quocunq; alio, cum Essentia Angelica non subsistat vt Quo, nec radice Subsistentiam nisi vt indiuidua. Tum quia Essentia Angeli est quid intrinsecum, ac prima radix Subsistentiæ & Personalitatis.

## III.

**P**rimarium Entis creati constitutum, siue primus conceptus & prima radix constituens rem condistinctam à DEO in Entitate finita & limitata, non est ipsum esse ab alio, scilicet à DEO. Tum quia prius est in Ente creato esse intelligibile, quam esse producibile, & prius intelligitur à DEO, quam producat libere, vnde sicut esse intelligibile non est primum, quod reperitur in ente creato, nam intelligibilitas & veritas sunt passiones, ita & Esse producibile ab alio, non est primarium constitutum Entis creati. Tum quia nos cognoscendo entia creata, & eorum Essentias, per habitum primorum principiorum, illas apprehendimus sub ratione Primi: iam verò Ens ab alio, apprehenditur formaliter sub ratione posterioris & principiat. Vnde sequitur Quod Constitutum entis creati, & prima radix constituens rem distinctam à DEO in Entitate finita & limitata est aliqua compositio realis, ex qua habet Entitas creata non sibi aliam & aliam identificare, seu Primus conceptus Entis creati consistit in eo, quod sit realiter compositum aut componens.

## IV.

**P**rima omnium rerum Causa DEVS, omnes causas secundas præmouet vt agant præmouione Physica, siue concursu præuio prioritate Causalitatis Efficientiæ veræ & propriæ. Tum quia datur ex parte DEI concursus, (qui est Substantialis actio,) identificatus cum DEO, & est Ens per Essentiam, ad quem actio Causæ Secundæ comparatur tanquam effectus, & terminus. Et talis Concursus cum non possit esse simultaneus, (alias idem ad seipsum terminaretur in linea producibilitatis) debet esse omnino Præuius. Tum quia DEVS conseruat rationem in concurrente Agentis primi & primæ Causæ, vnde admissio solo concursu simultaneo, qui indiuisibiliter idem est cum actione Causæ secundæ, non deberetur dependentia Causæ secundæ à DEO in ratione actualis Causæ.

## V.

**C**ausa cui physica deesset Præmotio, esset adhuc verè & expedire potens. Tum quia non requiritur Physica Præmotio nisi tanquam applicatio siue applicatiuum potentia, quæ supponitur applicabilis sine sui applicatione. Tum quia Causa sine Præmouione, non excusatur ab omissione actûs, ratione solius expeditionis ad operandum; Præmotio autem non ad statum Causæ vt expeditæ, sed vt Operantis pertinet, quia est essentialiter connexa cum Operatione. Tum quia Correlatiuum potentia expeditæ, est actus vt possibilis, ideoq; Causa supponitur expedita sine Præmouione.

## VI.

**P**æmotio Physica omnino componitur & conciliatur cum libertate. Tum quia DEVS determinat nos ad modum liberi, omni seclusa Scientia Media, à qua non pendet actus nostri sub ratione liberi, cum vt tales cadant sub Obiecto Omnipotentia præintellectæ in DEO ante omnem Scientiam Mediam. Tum quia non repugnat stare simul potentiam ad oppositum, cum positione actûs ad quem datur Præmotio, nam positio vnius actûs & potentia ad actum oppositum, non sibi opponuntur contrariè. Tum quia voluntas quantumcunq; præmota, potest non ferri ad actum siue obiectum prout cognitum; respectu cuius sicut datur indifferentia ex parte intellectus, ita & ex parte voluntatis, tanquam boni particularis.

## VII.

**E**x eo quod DEVS ad materiale peccati præmoueat, non propterea præmouet ad formale. Tum quia ipsum materiale peccati quia sic explicat solam realitatem & actualitatem physicam, est Ens à DEO Primo Principio participatum, ipseq; DEVS est vltimus finis, materialis peccati; absq; eo quod sit finis formalis illius: tum quia omne quod

est ad DEVM tanquam ad finem, cum sit ad finem debitum, bonum est: tum quia stabiliri solet formale peccati in ipsa auersione & deordinatione à DEO tanquam à debito fine. Tum quia ad id non præmouet DEVS, ad quod se solum habet Permissiuè: & hoc modo in peccato Commissionis, formale s. Deficere, vt potè alterius generis ab Efficere, respicitur à DEO. Tum quia peccatum sumptum formaliter est in genere moris: DEVS autem, præmouens ad materiale peccati quia operatur iuxta exigentiam naturæ vt detur locus actioni defectibili, non potest attingere esse morale. VIII.

**D**IUUS AUGUSTINUS & D. THOMAS Physicam Præmotionem agnouerunt. Tum quia D. Augustinus illam docet, Libro de Correptione & gratia cap. 14. *Cum autem homines &c. &c. Et Lib. 5. de Ciuitate DEI cap. 9. In Libris de Diuinatione &c. vbi post pauca hæc habet: DEVM dicimus omnia scire, antequam fiant & voluntate nos facere quicquid a nobis non nisi volentibus fieri sentimus.* Et aliis in locis frequentissimè, Omnipotentissimam, Inuincibilem, infallibiliter operantem, Creantem, Dominantem, Applicantem, Vniuersalissimam, Liberrimam, laudans Diuinam Virtutem. Jam verò Auctoritates Doctoris Angelici conglobatas expressè Præmotionem Physicam stabilientes, videre est apud Magistrum Joannem Baptistam, Gonet Tomo tertio Disput. 6. A. 2. ¶. Primo. 2. & 3.

IX.

**N**on tantum Præmotio sed etiam Prædeterminatio, sub expressis terminis est iuxta mentem Doctoris Angelici. Tum quia 3. contra gent: cap. 90. in fine loquitur. Diuum Damascenum explicans sic: *Id quod docet Damascenus quod ea que sunt in Nobis DEVS prænoscit, sed non prædeterminat, exponendum est vt intelligatur & ea que sunt in nobis DIVINÆ DETERMINATIONI non esse subiecta quasi ab ea necessitatem accipientia.* Item. Quodlib: 12. A. 4. subscribit sententiæ illorum, qui dicunt a Prouidentia Dei omnia esse PRÆDETERMINATA. It: in D. Dionysii de Diuinis Nominibus cap. 5. Lèctione 3. ait: *Huiusmodi Rationes sancta Scriptura vocat PRÆDEFINITIONES siue PRÆDESTINATIONES secundum Rom. 8. Quos prædestinauit, hos & vocauit: Et vocat etiam eius bonas voluntates secundum Psal: Magna opera Domini, exquisita in omnes voluntates eius. Que quidem PRÆDEFINITIONES & voluntates, sunt distinctiue Entium & effectiue ipsorum, quia per huiusmodi rationes super substantialis DEI esse PRÆDETERMINAVIT OMNIA, & produxit.* Quid hoc restimomo clarius? Ergo Pater Henao S. J. historiam in Prælectionibus Patris Joannis Morawski, Disput: 4. Qu: 7 de Scientia Media, fol: 292. (Anno 1674. Mense Junio Calisij impressis) allegatam somniauit, cum incredibile sit Virum Doctissimū Thomistam (qualis erat Reuerendissimus P. Thomas Turcus, Generalis Magister) in loquere S. positas auctoritates non legisse. Vnde Patrem Hen: & similes, Pater Nicolai 1. 2. Qu: III. in Tholus ad Artic: 3. ita alloquitur. *Iam quod admitti non debeat (PRÆDETERMINATIO) quia destruit libertatem, dormitantium phantasma est: & quod eam non admittere sit Angelicum cogitatio vix humana. Destruit cerè libertatem; si est talis, qualis ab eis per somnium fingitur, indifferentiæ actiue opposita; si ad hanc partem sic affigit, vt potentiam ad alterutrum tollat; si sic impellit vt repelli à voluntate abyciq; non possit. Sed cur in voce ludum vt illudant nisi & illudantur ipsi?* X.

**P**RÆDETERMINATIO & Præmotio, à D. Augustino tradita, à Doctore Angelico propugnata, est ex fonte S. Scripturæ deprompta. Tum quia Prouerb. 21. dicitur. Cor Regis in manu Domini quocunq; vulerit verter illud. Vnde Augustinus Lib. de Correp: & Gratia Cap. 14. Dominus faciat ipse quod vult, quandoquidem de ipsis hominum voluntatibus quod vult, cum vult facit: sine dubio HABENS HUMANORVM CORDIVM INCLINANDORVM OMNIPOTENTISSIMAM POTESTATEM It: Joan: 15. Sine me nihil potestis facere. Vnde D. S. 3. contra Gent: cap: 149. concludit. *Impossibile est esse aliquem rectum motum in ipsa (Anima) quem non PRÆVENIAT ACTIO DIVINA.* Item ait Apostolus: *Elegit nos ante mundi constitutionem: & ante secula decreuit, qualiter per secula disposuit,* inquit Gregorius in Moralibus. Quod ergo prædeterminauit prioritate æternitatis, & vt exequi dignetur prioritate Causalitatis Sacrosanctæ suæ Ecclesiæ CHRISTVS IESVS oblatas benignè exaudiat voces. DOMINE PLACARE: & ad te nostras etiam rebelles COMPELLE propitius voluntates. TIBI LAVS, TIBI GLORIA, in secula sæculorum, Amen.

Præclarissimorum Ecclesiæ Catholice Doctorum Augustini & Thomæ Aquinatis INCONCVSSA TVTISSIMAQVE DOGMATA. Alexander 7. in Breui ad Doctores Louanienses, 7. Augusti, Anno Pontificatus 6.

*Disputabuntur in Generali Studio Craconiensi Conueniūs SS. TRINITATIS, Ordinis Predicatorum. Obiectis satisfasset R. P. P. HERONIMVS MIEKONSKI. Sub Præsidentia R. P. P. DOMINI. OI FRTRDRTCHOWIC, S. Theol. Lectoris, in eodem Studio Philosophia Professoreis, Ord: Predicatoris.*  
Anno Domini 1683 Mense Die



XX. 1. 29.



